



OKTOBAR 2023

BILTEN SREDNJOŠKOLACA MSEUŠ TRAVNIK



NOĆ U MUZEJU

Učenici Mješovite srednje ekonomsko-ugostiteljske škole Travnik u okviru projekta Civitas proveli su nezaboravnu noć u muzeju!

ANDRIĆEVI DANI

Kulturnu manifestaciju „Andrićevi dani“ utemeljila je Gradska biblioteka Travnik još 1976. godine. Cilj manifestacije je organizacija književno-umjetničkih i kulturno-umjetničkih sadržaja koji svojom osobenošću afirmiraju i propagiraju sinkretičke i interkulturne vrijednosti bosanskohercegovačke književnosti i kulture u cjelini. Suštinski cilj manifestacije je očuvanje, afirmacija i popularizacija književnog djela Ive Andrića kao jedinog bosanskohercegovačkog književnog nobelovca, kako na lokalnom i državnom, tako i na međunarodnom planu.



05.
OKTOBAR



UNESCO je proglašio 5.10. Svjetskim danom učitelja 1994. godine.

Civitas

Noć u muzeju

Druga ovogodišnja Noć u muzeju održana je sinoć, 2.10. u muzeju Franjevačkog samostana Duha Svetoga u Fojnici za više od stotinu učenika osnovnih i srednjih škola.



Svaka od radionica je bila usmjerenja na upoznavanje kulture i tradicije te razvijanje ljubavi prema kulturi naše Bosne i Hercegovine. Civitas se pobrinuo za organizaciju prijevoza i obroka učenika i profesora.

Kulturni i gradanski identitet te očuvanje i odgovorno postupanje prema kulturnoj baštini bili su u fokusu programa ove noći, a na te teme za učenike su realizovane četiri muzejske radionice:

- Pričam Ti o Fojnici
- Bosančicom o Bosni
- Svakog gosta tri dana dosta
- Filigrani od zlata.



Program je započeo orguljaškom izvedbom u crkvi Franjevačkog samostana Duha Svetoga, a dobrodošlicu u muzej profesorima i učenicima poželjeli su gvardijan samostana fra Mario Katušić, voditelj ureda CIVITAS-a Anes Čerkez i koordinatorica NuM festivalskog programa Medina Spahić.



030 541 621



mseus@bih.net.ba



Školska bb Travnik 72270

Amna Halep

Mnogo mi je drago što sam posjetila Fojnicu i najvise mi se svidjelo radionice razne svašta sam naucila sto nisam znala.

A svega od toga mi je srcu priraslo ljubaznost svih ljudi i docek.



Azra Lulić

Bilo mi je zadovoljstvo i lijepo što sam imala priliku da odem u Fojnicu da razgledam mnoge stvari probam neke stvari kako se izradivaju ručnim radom i kako su prije izgledale.



Adna Lozić

Noć u muzeju i sve te radionice koje smo imali i iz kojih smo mnogo toga naučili je bilo jedno prelijepo iskustvo. Naučili smo dosta stvari koje i nismo znali i zato je bilo mnogo zabavno kako za nas pa tako i za ostale članove. Dosta različitih osoba iz mnogih mjesta je stvorilo i nova prijateljstva i jednu jako lijepu noć u muzeju.

Sabina Kozar

Noć u muzeju- Odlazak u Fojicu i radionice koje smo imali su bile nevjerojatno lijepo iskustvo. Upoznali smo dosta drugih učenika iz različitih škola, pa tako i naučili mnogo stvari. Meni se najviše dopalo "pričam ti o Fojnici". Istraživanje franjevačkog samostana je vrlo interesantno i edukativno. Zahvalni smo civitasu Bosne i Hercegovine što nam je pružio to iskustvo koje ćemo zasigurno pamtiti i nakon srednje škole.

DAN
PROSVJETNIH
RADNIKA

O5. OKTOBAR



Na svečanoj sjednici Nastavničkog vijeća održanoj na Dan prosvjetnih radnika , 5.10.2023. godine, između ostalog, ispratili smo u penziju još jednog člana našeg kolektiva, našeg cijenjenog i veoma dragog profesora Sadika Selimovića. Direktorica škole Mehridžana Alibašić čestitala je profesoru Sadiku i poželjela dug i zdrav život sada u jednom novom, mirnijem životnom okruženju, te mu je uručila prigodan poklon povodom odlaska u penziju.

Veoma lijepim i nadahnutim obraćanjem profesor Sadik je počastio sve nas i zaželio uspješan rad u ovim vremenima punih izazova. U njegovim očima se istovremeno nazirala i radost i žal, iako dode vrijeme za promjene, ipak nije jednostavno otići iz jedne zajednice gdje se svak osjeća uvaženo, cijenjeno i nadasve prijateljski.

Profesor Sadik je dugogodišnji član našeg kolektiva koji je, zasigurno, ostavio neizbrisiv trag svojim radom u prosvjeti. S radošću ga se sjećaju i kolege profesori ali i učenici. Ispraćajući generacije i generacije učenika uvidamo da se godine nižu brže nego što nekad mislimo, kroz sve to vrijeme provedeno u učionici sa djecom ostavljamo neki trag, kako profesori, tako i učenici, iako u tom putu bude različitih situacija, jedno je sigurno, svakom ostalu u sjećanju oni lijepi i vedri trenuci, a one druge zaboravimo.

Želimo našem radnom kolegi, prijatelju, sagovorniku, osloncu u svakom smislu, da uživa u, nadamo se, mirnim danima sa lijepim sjećanjima i zadovoljstvom na ono što je ostavio iza sebe u našoj školi ali i šire!

V A Ž N O S T O Č U V A N J A

10.
10.
23.

M E N T A L N O G

Z D R A V L J A



Svjetska zdravstvena organizacija definira mentalno zdravlje kao „stanje dobrobiti u kojem pojedinac ostvaruje svoje potencijale, može se nositi s normalnim životnim stresom, može raditi produktivno i plodno te je sposoban(na) pridonositi svojoj zajednici“ (prema World Health Organisation, 2004.). Već iz same definicije vidimo koliko je kompleksan pojam mentalnog zdravlja te koliko je važno voditi računa o različitim aspektima života. Za mentalno zdravlje važna je psihološka fleksibilnost, vještina koja nam omogućava da odgovorimo na životne događaje na način koji je prikladan određenom kontekstu te u skladu s našim osobnim vrijednostima.

Osoba koja brine o svom mentalnom zdravlju, svjesna je svojih snaga za suočavanje sa svakodnevnim izazovima, svjesno donosi odabire i njeguje bliske odnose s drugima. Razgovarajući i promišljajući o ovoj temi, otvaramo vrata za slobodno traženje pomoći, međusobno povezivanje, zajednički rast i razvoj te smanjujemo stigmu koju mnogi osjećaju dok razmišljaju o psihičkim simptomima i problemima.

Učenici Mješovite srednje ekonomsko-ugostiteljske škole Travnik svojim kolegama, ali i profesorima, 10. oktobra dijelili su zelene trakice u cilju podizanja svijesti o jačanju mentalnog zdravlja.

Akcija je realizovana s ciljem usmjeravanja pažnje na poremećene društvene vrijednosti koje vladaju, te na stalna poređenja stvarnog života sa životom na društvenim mrežama.

Zaključili smo da je ponekad najteže zastati i pogled koji je usmjeren na sve oko nas, usmjeriti na same sebe, a upravo to trebamo učiniti.

10.
10.
23.




Svi koji svakodnevno ulažemo stručne napore u prevenciju i razlike razine intervencije u radu s djecom i odraslima, znamo da je razgovor o mentalnom zdravlju jako bitan za stvaranje jake ličnosti.

Mladi ljudi podložni su raznim utjecajima koji ih mogu dovesti do narušenog mentalnog zdravlja.

Predstavnici Zavoda za javno zdravstvo SBK/SBK, organizatori su predavanja za srednjoškolce koje se ticalo korištenja društvenih mreža, te djelovanja cjelokupne tehnologije na živote mlađih ljudi.

Ma ovaj način posjetili smo mlade ljudi da adekvatnije rasporede svoje slobodno vrijeme i da rade na sebi, kako bi očuvali svoje mentalno zdravlje.

P R E D A V A N J E Z A N A Š E U Č E N I K E



ANDRIĆEVI DANI 2023

ANDRIĆEVI DANI 2023.

KULTURNA MANIFESTACIJA

"Sto pet godina od izdavanja prve knjige Ive Andrića"

Učenici Mješovite srednje ekonomsko-ugostiteljske škole Travnik, u pratnji profesorice bosanskog jezika i književnosti, Aide Alihodžić, a u okviru Andrićevih dana koji se tradicionalno obilježavaju od 9.10. do 9.11. imali su priliku da prisustvuju i učestvuju u radionici pod nazivom "Sto pet godina od izdavanja prve knjige Ive Andrića".

Učestvovali su zajedno sa učenicima drugih srednjih škola i tu proširili svoje znanje o našem nobelovcu, o njegovom liku i djelu kao i općenito o njegovom značaju za naš grad Travnik.



ANDRIĆEVI DANI 2023

ANDRIĆEVI DANI 2023.

KULTURNA MANIFESTACIJA

"Od književnih junakinja do žena koje mijenjaju društvo"

Još jedna u nizu aktivnosti u okviru manifestacije "Andrićevi dani 2023" u gradu Travniku realizovana je 27.10.2023. godine u prostorijama Gradske biblioteke Travnik.

Učenici naše škole imali su priliku učestvovati u radionici za srednjoškolce pod nazivom "Od književnih junakinja do žena koje mijenjaju društvo".

Voditeljice radionice bile su tri bosanskohercegovačke pjesnikinje Melida Travančić, Amina Bulić i Amra Mujezinović.



Oktobar – mjesec rozih traka



Učenici MSEUŠ Travnik zajedno sa profesoricama koordinatoricama aktivnosti Nerminom Plecić i Hasibom Horić, simboličnom podjelom trakica, pružile su podršku svim majkama, sestrama, ženama, oboljelim od raka dojke.




Rano otkrivanje bolesti i
dobra terapija spašavaju
život!



Glavni cilj svih kampanja okićenih rozom trakicom usmjeren je na buđenje svijesti o ovoj strašnoj bolesti, pronalasku lijeka i informisanju žena i tinejdžerki o važnosti zdravlja i pregleda.

Danas postoji mnoštvo trakica različitih boja, koje ljudi nose kao znak podrške određenim ugroženim ili oboljelim grupacijama ljudi. Roza boja je postala, kao i trakica, simbol podizanja svijesti o raku dojke.



Sekcije naše škole

PRIDRUŽITE SE NEKOJ OD SEKCIJA
NAŠE ŠKOLE

Mladi poduzetnici
Recitatorska sekcija
Dodatna nastava iz računovodstva
Sportska sekcija
Dodatna nastava iz književnosti
Turistička sekcija
Dramska sekcija
Umjetničko stvaralaštvo
Likovna sekcija
Školski projekti
Historijska sekcija
Ekološka sekcija

Hemijska sekcija
Moderne frizure
Mala škola prava
Humanitarna sekcija
Ritmička sekcija
Web dizajn
Novinarska sekcija
Ljepota i zdravlje
Dodatna nastava engleski jezik
Dodatna nastava matematika
Dodatna nastava informatika
Šahovska sekcija



Svako je dijete umjetnik. Problem je ostati umjetnik nakon odrastanja.

PABLO PICASSO

Sekcije naše škole

LIKOVNA SEKCIJA



Voditelj sekcije: Velid Trkić
Termin održavanja:
Četvrtak 13:10

Učenici zainteresirani za likovni rad redovno se sastaju i u ugodnoj atmosferi stvaraju likovne rade.

U plan sekcije ulazi estetsko uređivanje interijera i eksterijera škole, obilježavanje značajnijih datuma i praznika, scensko osmišljavanje školskih priredbi, izrada panoa te sudjelovanje na raznim likovnim natjecanjima.

Učenica Mješovite srednje ekonomsko-ugostiteljske škole Travnik, Suana Hurem osvojila je prvo mejsto na Općinskom takmičenju likovnih radova.



Sekcije naše škole

HISTORIJSKA SEKCIJA



"Bez obzira na svu bol koju izaziva, historija ne može biti ponovljena, ali ako joj se pristupi hrabro ne mora biti ponovljena."

MAYA ANGELOU



Voditelj sekcije: Nedžad
Kapidžić
Termin održavanja:
Petak 13:10




Historijska sekcija naše škole se trudi da uzme učešće u svim aktivnostima po pitanju obilježavanja značajnih datuma bosanskohercegovačke historije, sa posebnim isticanjem značajnih datuma iz vremena odbrane nezavisnosti Bosne i Hercegovine.
Svojim aktivnostima dajemo doprinos u školskim priredbama i manifestacijama.

Naši učenici Historijske sekcije na manifestaciji "Dani pobjede,dani ponosa".



Sekcije naše škole

RECITATORSKA SEKCIJA



Recitovanje je oblik govorenja u kome riječi
ostaju svoje najsvetanije ruho.



Voditelj sekcije: Hanan
Maglić
Termin održavanja:
Ponedjeljak 13:10



Umjetničko kazivanje književnog teksta – recitovanje zauzima značajno mjesto u školskoj nastavi i u vanškolskim aktivnostima.

U toku rada učenici analiziraju i uvježbavaju sadržaje za nastup povodom školskih priredbi i svečanosti (recital, pojedinačne pjesme), uče se priprodnom i iskrenom kazivanju, upoznaju govornu umjetnost (iz historije pozorišta i drame), razvijaju stvaralačke sposobnosti, kroz javni nastup uče da oslobadaju ličnost u govoru, navikavaju na disciplinu kroz izvršavanje povjerenih zadataka, a radi postizanja zajedničkog uspjeha.




Sekcije naše škole

HEMIJSKA SEKCIJA



Hemija je svuda oko nas...



Voditelj sekcije: Nermina Plecić
Termin održavanja:
Petak 13:10

Hemijjska sekcija jedna je od najpoznatijih sekcija u našoj školi.

U toku rada učenici imaju priliku da se praktično upoznaju sa mnogim hemijskim eksperimentima.

Naši mladi hemičari priredili su nam i prezentaciju nekih pokusa na priredbi povodom Dana škole.

Hemisjka sekcija okuplja učenike koji su zainteresirani za hemiju, ali i razumijevanje svijeta oko sebe, jer kao što to oni sami kažu "Hemija je svuda oko nas".

Ukoliko je vaš izbor hemija, postanite dio tima i priključite se ovoj izuzetno zanimljivoj ekipi!



Sekcije naše škole

SVEĆANE FRIZURE



Voditelj sekcije: Alma Jusufović i Anela Arnautović
Termin održavanja:
Četvrtak 13:10

Nakon biranja modne kombinacije, sve što nam preostaje da budemo savršeno sredeni za bitnu prigodu je svečana frizura.

Ako želite isprobati nešto novo i malo posebnije, možete se priključiti sekciji Svečane frizure gdje ćete imati priliku naučiti kako napraviti neke od najljepših frizura za sve prilike.





MJEŠOVITA SREDNJA
EKONOMSKO - UGOSTITELJSKA
ŠKOLA TRAVNIK